

Dem Durchleuchtigen Hochgebornen
Fürsten vnd Herrn/

Herz Philipsen/ Landgraffen

zu Hessen / Graffen zu Casenelbogen / Dieß/
Ziegenhain vnd Nidda/ &c.

Meinem Gnädigen Fürsten vnd Herrn/ &c.



A Ich bin / Genädigster Fürst vnd Herz/
verhoffentlich der müheseligen Sorgfältigkeit / wo-
mit sich anderwärts diejenige / so etwas in offener
Druck zufertigen willens seyn / in electione Patroni
vielfältig beladen / diß Orths zimlicher massen vber-
hoben / vnd darff nit viel hin vnd widersinnens / cuius
tutelæ ich gegenwertiges Büchlein vndergeben soll.
weilen sich gleich zu forderst vnd an der Spitzen / E. S. G. als deren ich mit
Pflichten vnderthänig zugethan / vnd dannenher dero hohen Patrocini
mich am meisten zugetrösten hab / præsentiren / vnd vor allen andern du-
plici nomine, nemlich / quoad VELLE & quoad POSSE, ex vo-
to darstellen. Dann erstlich / quoad VELLE, weiß ich mich / Gott sey
Lob / auß vielfältigen / fast vnzahlbaren / mir vnd den meinigen die verflo-
sene sieben Jahr durch (so lang ich nemlich / zwar vnwürdig / in E. S. G.
Diensten gewesen) erwiesenen hohen Gnaden vnd Gutthaten gnugsam
asscurirt / es werden E. S. G. auch des gegenwertigen von mir in Teut-
scher Zungen wider ans Liecht gebracht / beneben mit newen Figuren vnd
vnderschiedlichen idoneis additionibus, nit wenig vermehrten Mecha-
nischen Werckleins / sich in gewöhnlichen Gnaden annemen / solches wider
aller maleuolorum mißgünstige calumnias (die sonder Zweifel ge-
gen mir ja so wenig als gegen andern fehlen vnd außbleiben werden / wo
sie nit E. S. G. hochansehlicher præfigurter Namen zeitlich abschreckt) ge-
waltig defendiren / vnd mir dardurch gnädig Anlaß geben / so wol die noch
hinderstellige vnd zu diesem Ersten gehörigen Theil / mit allem nechstem zu
maturiren ; als auch ander / ob Gott will nit vnützliche / Mathematische
Schriften / nach vnd nach an Tag zubringen ; welche ich neben meinen or-
dentlichen Geschäften / bey habender Weil / zu vermendung des schädli-
chen Müßiggangs / sonderlich aber zu mehrer Beförderung des Edlen
vnd recht Heroischen Studii Mathematici theils allberent concipirt /
theils noch zuverfassen willens bin / vnd guter Hoffnung gelebe / es werde
mir der allgetreue Gott so viel Gnad vnd Segen miltväterlich verlenhen /
daß solche mein Schriftliche wolgemeynte Arbeit / bey Liebhabern Ma-
thematicis